

Lina'la', Guinaiya yan Pås gi Tano'-ta
By Michael Lujan Bevacqua

Taotao Tåno'! Famagu'on i tano'!
I hagas mañasåga guini gi este na gefpågo na isla siha
Ini na lalai un fanhassuyan put håyi hit
Yan i guinaiya yan pås gi lina'la'-ta.

Uniku, tåya' achagua-ña yan taiprisu i rigålon i lina'la'-ta guini

Debi di ta prutehi mo'na siha
I ga'ga' siha, gi tano', gi tasi, gi aire
I trongko siha, gaitinekcha', gaihågon todú gaibåli

Ini na miguinaha na tåno' muna'fanlå'la' i mañainå-ta
Ma pulåni hit ni' todú este siha
Ya debi di ta prutehi este na tåno' para i manmamailla na famagu'on lókkue'.

Miguinaiya i lina'la' guini. Debi di ta ayuda todú gi oriyå-ta siha

I familia-ta siha, mañaina, mañe'lu, mamprima yan mamprimu
I manatungo' siha, gi eskule, gi sengsong, todus hit guini mambisinu

Manlå'la' i mañainå-ta guini gi tiempon gera, linao yan påkya
Sa' manafa'maolek ya manafa'maolek todú sa' managuiya
Ya ma gof guaiya lókkue' este na tåno'

Anggen ta prutehi i guinahå-ta! Anggen ta gofli'e' i manguinaiyå-ta!
Siempre para ta famå'tinas pås gi tano'-ta!

Gi fino' i manåmko', "kada mandanña' i taotao put guinaiya put lina'la', u guaha pås
lókkue'."

Taiguenao mohon